



UKA 2013/132
23.10.2013
Kalistat Lund

Ukioq naallugu sapaatip akunnikkaartumik Narsarsuup Keflavik-illu akornanni amigartooruteqarsinnaanermut qulakkeerutissalimmik 1. Januar 2014-imiit timmisartoqartalernissaanik Naalakkersuisut pilersitsinissamik peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Kim Kielsen, Siumut)

Inuit Ataqtigiiit isumaqarpugut, nunatsinni angallannikkut aqqissuuseqqinnissami siunnersissarput nutaaq tassaassasoq, ingerlatsinikkut imminut napatissinnaasumik aqqissuussi-neq. Pisariaqarpoq angallassinikkut periaatsit aamma atortulersuutit inuiattut pisariaqarti-tatsinnut naleqqussarneqarnissaat.

Erseqqissumik oqaatigissavara suliassami matumani Inuit Ataqtigiiit pingaarnertut anguni-assagatsigu nunatsinni inunnik angallassinermi atuisut akikinnerusumik periarfissaqalernis-saat, aammalu sullissinissamik isumaqatigiissutit akikinnerulernissaat.

Tamanna aatsaat anguneqarsinnaavoq inuit angallattut amerlassusaannut naleqquttunik timmisartunit angissusiliinikkut. Nunatsinni inuit kissaataat eqqukkusutarput tassaavoq, sumiiffiit ullumikkut inuinnit angalaniarnikkut periarfissaalatsiffiusut aqqiiviginissaannut akissaqalernissarput. Aamma silaannakkut inunnik angallassinermi timmisartuutileqatigiiffiit unammilleqatigiinnerisigut akinik apparsaanissaq.

Ukiuni kingullerni nalunaarusiat ersersippaat, inuit timmisartuunneqarlutik angallattut 85 %-ii pisortanik akiliunneqarlutik angalasuusut. Imaappoq, akit qaffaseqisut atuutsillugit inu-iaqtigiiit pisortatigut aningaasartuutaat qaffasereersut saniatigut, inuit nammineq angala-niartut nammineq akiliutaat qaffaseqaat. Taassuma saniatigut peqqinnissaqarfiup peqqis-sartunik angallassinera, immikkullu angallakkasuagassanik assartuussisarnera assut aki-suvoq.

Inuit Ataqtigiiit isumaqarpugut angallannikkut akit aammalu aningaasarsiornitsinnut tatisi-sumik akit qaffasinnerat qimanniarlugit Inatsisartut naalakkersuisullu partiit akimorlugit su-leqatigiilluarnermikkut, nunatsinni inuit akit piumasaqaatigisaannut naleqquttumik aqqis-

suussineq ataatsimoorfigisinnaagipput.

Nunatsinni silaannakkut angallassineq inuiaqatigiinni pitsaasumik angusassaqarfiussappat pitsaasunik tunngavissaqarluta isummersoqatigiinnissarput naniniartariaqarparput.

Isumaqarpugut Inatsisartut siunnersuuteqarneratigut silaannakkut angallanneq aaqinni-
anngikkaluarlugu, ataatsimoortumik isiginnilluni suliniuteqarnissaq naalakkersuisunut
Kaammattuutissaasoq. Taamaammat siunnersuut isumaqatinngilarput. Naalakkersuisullu
kaammattorusuppavut silaannakkut angallassineq pillugu pingaarnersiuisimanertik tunnga-
vilersukkamik saqqummiutissagaat.